



ORDENANZA FISCAL Nº 14

ORDENANZA REGULADORA DA TAXA POR INSTALACIÓN DE POSTOS, BARRACAS, CASETAS DE VENDA, ESPECTÁCULOS, ATRACCIÓNS OU RECREO, SITUADOS EN TERREO DE USO PÚBLICO MUNICIPAL, ASÍ COMO INDUSTRIAS NA RÚA E AMBULANTES E RODAXE CINEMATOGRAFICA

Artigo 1º. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases do réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 a 19 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais, este Concello acorda a imposición e ordenación da Taxa por instalación de postos, barracas, casetas de venda, espectáculos, atraccións ou recreo, situados en terreo de uso público municipal, así como industrias na rúa e ambulantes e rodaxe cinematográfica.

Artigo 2º. Feito imponible

Constitúe o feito imponible da Taxa a utilización privativa ou aproveitamento especial do dominio público municipal polos conceptos que se sinalan no título da taxa.

Artigo 3º. Suxeitos pasivos

Serán suxeitos pasivos desta taxa as persoas físicas ou xurídicas e as entidades ás que se refire o artigo 35 da Lei xeral tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no feito imponible.

Artigo 4º. Responsables

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 41.1 e 42 da Lei xeral tributaria.
- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 43 da Lei xeral tributaria.

Artigo 5º. Cota tributaria

A cota desta taxa será a que figura no anexo desta ordenanza.



Artigo 6º. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Artigo 7º. Percepción

Percíbese a taxa e nace a obriga de contribuír:

- Nos servicios de retribución puntual, no momento de presenta-la solicitude de concesión ou autorización.
- Nos servicios de retribución periódica, percibirase a taxa o día primeiro de cada ano natural.

Artigo 8º. Liquidación

- Cando se trate de servicios puntuais, liquidarase e esixirase a taxa en calidade de depósito previo, en todo caso antes de iniciarse o trámite do expediente de concesión ou autorización do aproveitamento solicitado.
 - Cando se trate de servicios de retribución periódica, liquidarase e esixirase a taxa nos períodos que se sinalen na tarifa da taxa ou na liquidación única anual.
- 1- Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.
- Nos supostos de instalacións de atraccións e postos nas festas patronais, dado o carácter específico desta ocupación, estarase ó disposto nas bases que rexirán o concurso público para a autorización de tales instalacións.

Artigo 9º. Ingreso

O pagamento desta taxa realizarase:

- Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ó inicio do expediente de concesión ou autorización do aproveitamento interesado.
- Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.



- Nos supostos de instalacións de atraccións e postos nas festas patronais dado o carácter específico desta ocupación, estarase ó disposto nas bases que rexirán o concurso público para a autorización de tales instalacións.

O impago da taxa por venda ambulante correspondente ó exercicio en cuestión, levará aparellada a revogación con efectos do 31 de decembro do citado ano ou no seu caso, da autorización administrativa do aproveitamento sometido a gravame, e non se concederá unha nova autorización a aqueles que non se atopen ó corrente no pago desta taxa. A estes efectos, entenderase producido o impago da taxa se dentro dos prazos legalmente establecidos se producira a devolución da domiciliación por causas imputables ó interesado.

Artigo 10º. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

Artigo 11º. Normas de xestión

- As persoas ou entidades interesadas na concesión ou autorización para realiza-los aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. Antes da autorización ou concesión do aproveitamento, a persoa ou entidade interesada no aproveitamento aboará o importe da taxa en calidade de depósito previo.

- No caso de denegarse as autorizacións, os interesados poderán solicita-la devolución da taxa ingresada en calidade de depósito previo.

- Unha vez autorizada ou concedida a licenza de aproveitamento entenderase prorrogada mentres non presente a declaración de baixa o interesado.

- 2- Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirá efectos no período natural seguinte ó de presentación da mesma, podendo, no seu caso, ratearse por meses. A non presentación da baixa determinará a obriga de continuar aboando a taxa.

-Os emprazamentos, instalacións, postos, etc., poderán sacarse a licitación pública antes da celebración das Festas. Nestes caso, estarase ó disposto nas bases que rexirán o concurso público para a autorización de tales instalacións e o importe da taxa virá determinado polo valor económico da proposición sobre a que recaiga a autorización ou concesión.

ANEXO

Primeiro. Tarifa

A estrutura e contía desta taxa será a seguinte:



A estrutura e contía desta taxa será a seguinte:

-POSTOS NA PRAZA DE ABASTOS:

-Postos fixos:

-Postos pechados, ó mes.....	42,69 €.
-Postos abertos, ó mes.....	8,60 €.

-Postos eventuais:

-Postos pechados, ó día.....	6,05 €.
-Postos abertos, ó día.....	1,72 €.

-Cámaras ou almacéns:

-Importe mensual.....	300,98 €.
-Importe diario.....	12,11 €.

-Local da parte nova da Praza de Abastos

Importe mensual.....	1.388,34 €.
----------------------	-------------

-RESTANTES POSTOS FÓRA DAS INSTALACIÓNS DA PRAZA DE ABASTOS:

- Pola ocupación ata 5 m/2 e día, tarifa mínima.....	8,20 €
- Pola ocupación de 5 a 8 m/2, por m/2 e día.....	3,40 €
-Pola ocupación de máis de 8/m2, por m/2 e día.....	5,44 €

-POSTOS FÓRA DAS INSTALACIÓNS DA PRAZA DE ABASTOS, NOS LUGARES HABILITADOS PARA AS FEIRAS:

-Por cada feira	1,30 €/metro.
-----------------------	---------------

-FESTAS PATRONAIS DE LALÍN E FEIRA DO COCIDO:

Dado o carácter específico e consuetudinario das festas patronais e da Feira do Cocido e a especialidade desta ocupación do dominio público, na determinación do importe desta taxa aplicaranse os seguintes criterios e parámetros:

Atendendo ó tipo de atracción ou posto e metro cadrado da ocupación establécense as seguintes tarifas:

-Postos de venta, por metro cadrado ou fracción.....	10,26 €
-Atraccións de azar, por metro cadrado ou fracción.....	6,84 €
-Carruseis, por metro cadrado ou fracción.....	8,55 €
-Atraccións de habilidade, por metro cadrado ou fracción.....	10,26 €
-Postos de degustación, bares, churrerías, similares, por m2 ou fracción.....	17,10 €

Excepcionalmente, poderán determinarse unhas dimensións fixas á parcela obxecto de



ocupación (posto) con independencia de cal sexa a ocupación real. Neste caso a determinación da tarifa será o resultado da aplicación do cadro anterior coa posibilidade dun incremento ou dunha diminución de ata un 20% da tarifa así calculada.

Dentro dos distintos tipos de atracción, poderán contemplarse ata tres categorías e, atendendo a estas, á tarifa contemplada no cadro e parágrafo anteriores poderá aplicárselle un coeficiente de incremento de ata o 100 por cento ou unha diminución de ata o 50 por cento.

Así mesmo, poderán contemplarse ata tres categorías de situación en función da afluencia de público, situación, etc. e atendendo a esta, á tarifa calculada no parágrafo anterior poderá aplicárselle unha redución do 50 por cento ata un aumento do 100 por cento.

Atendendo á forma de adxudicación elixida (poxa, concurso ou adxudicación directa) , poderá, así mesmo, aplicarse un incremento ou unha diminución das tarifas resultantes pola aplicación dos anteriores criterios de ata un 20 por cento.

Con ocasión da aprobación do proxecto de feira, o órgano competente confeccionará a aprobará o cadro de tarifas resultante da aplicación destes criterios e que servirá de base para a determinación do canon de ocupación.

Nos procedementos de licitación pública, este canon de ocupación terá o carácter de prezo de saída e o importe final da taxa virá determinado polo valor económico da proposición sobre a que recaia a adxudicación.

Segundo. Entrada en vigor

A presente modificación desta ordenanza fiscal, unha vez aprobada polo Pleno da Corporación e publicada no Boletín Oficial da Provincia, entrará en vigor e comezará a aplicarse o día 1 de xaneiro de 2016 e continuará vixente mentres non se acorde a súa modificación ou derogación.

Modificación aprobada no Pleno da Corporación de Lalín de data 27 de outubro de 2014 e publicada no Boletín Oficial da Provincia o 22 de decembro de 2014

Última modificación aprobada no Pleno da Corporación de Lalín de data 21 de decembro de 2015 e publicada na BOP o día 23 de decembro de 2015

O alcalde
Rafael Luis Cuiña Aparicio